

退
菴
詩
存

退菴詩存卷十三

福州梁章鉅蔭林

題賀耦庚方伯

長齡

與物爲春小照

春風著物卽蕃熙吹徧三吳萬口碑鋪地禾麻歸長養近

天雨露本和滋力扶雁澤登仁宇手訂鴻編裕治規

君方編梓

經世文鈔韓范功名周邵學千秋名世共襟期

濟源清處澣塵鞿直到江南春水肥相代恰如新燕雁重

來都是舊驂駢

余與君山左江南兩任互易皆重遊也

飽聽生佛千家頌快

觀真仙一品衣浩蕩淵懷傳治譜貺貽何啻佩絃韋

昌亭煙雨送雙旌計日星軺達

帝京民瘼定勞

彤陛獻臣心原比玉壺清直從天下關憂樂早向圖中見
性情省識太和常在抱飛潛魚鳥盡生成

桃李陰濃刻漏長萬花圍繞讀書床已成南國甘棠化不

礙東坡偃笠裝幽薄絳華思遠道

君常以途遠未
得迎養爲憾

儀堂畫

本伴輕囊春山一桁雲開闔早晚爲霖徧八方

潘功甫屬題臨頓新居畫卷

爲園古臨頓水木最清華宅入先賢傳門多長者車懷才

須報 國好善欲忘家未可成高逸回翔且自誇
近聞耽靜業長日自焚香春舫遲鷗夢秋厨檢鶴糧外緣
歸澹泊真意得清涼展卷吾滋愧移文謝草堂

松江道中

吳淞半江水利害關全吳委折百十里屢澹而屢淤源頭
固不暢病尤在尾閘下儻足容納上何難淪疏坐視不經
理浩淼成泥涂舉者非其人不舉復奚殊惜哉戍竄役空
費金錢輸遂成癸未災莫繪監門圖我黍藩牧任所願民
困蘇忙中來挂帆真不爲鱸魚

朝發青浦郭夕艤黃渡舟迤東勢愈墊舉裳可游游雁浦
已隆起雞墩乃如溝俗言倒建旣直從海西頭海潮挾沙
至朝夕積所留自非力醜剔涓涓行斷流填闕且自廣久
將美田疇通津非舊蹟橫流滋隱憂旣須繼起功仍厯善
後謀謀始復慮終民勞汔少休慎勿託夢想勗我簪珪儔

白香山松江觀魚

詩在官常夢想

程功必籌費費微功亦感小試終無裨州府計已熟邊陲
仰軍儲河壩亟杼軸偏當國用艱又難民力督攤徵雖舊
章借款難入告往事在人口勸諭令先惡思之寢食廢

恐等道謀築惟當額大府力造此方福論列達

宸聰億萬心所祝蠲賑準疏鑿得失豈待卜小渙成大儲

前史已洞燭

明陳懋德請開吳淞江疏中有渙小儲成大儲之說見明史河渠志

偉哉海忠

介抗章截漕粟敬哉康熙年吾將理舊牘

松江府志載康熙十年巡撫瑪

祐奏援明臣海瑞挑漕吳淞江故事請留江浙兩省折漕銀十餘萬兩以充工費奉旨准行

三江僅存一三泖二亦湮東南財賦區民瘼嗟孔殷我從

松陵來更問圓泖津昔聞一葦杭不如所見真此間轉漕

港菱蘆舊輪囷喜仗太守賢令行化如神芟荒而去穢沐

膏復咏勤雖未還舊觀波光已鱗鱗其寬一里贏其深尋

丈均保此儻不廢利賴將無垠我登小金山周覽煙水濱
急爲定經界兼與清涯濬百里半九十一簣虧嶙峋幸勿
阻異議率作翻逸巡

李葛峯郡守率民撈浚功已過半以會垣有異議而止余此役乃督其成

神山

弭棹得幽勝蒼然平楚陰月從圓泖白雲入細林深舊蹟
神龕館仙魂獨鶴岑流連發深省動我買山心

泖塔

湖楫澹容與湖壖灣復灣忽逢臨水寺真現小金山

寺門扁作

此三字孤嶼回波急斜陽古塔斑意中成畫稿歸便倩荆關

新購得褚臨蘭亭黃絹本率題四詩

吾齋抄宋蹟何況貞觀前褚臨禊序本結想蓋有年初疑
雪堂刻繼繹江邨編米跋孰證之寶晉空言詮昔官公路
浦一見爲蹶然神光乍離合掣眼如雲煙蕭翼賺所恥俞
松夢徒牽堂堂春再去迢迢途幾干乙酉之冬始見此本
於袁浦已議價而不
果售後聞其轉至京師
今夏乃復於吳中得之誰料鱗甲飛巧還翰墨緣揮金豈

足惜窻前虹月鮮

我讀蘇齋跋隨人疑贗鼎

卷後有覃溪師長跋

而亟賞米蹟筆筆撥

鐙影或云米狡獪蘭因幻頰并手裝卽手摹直詣山陰境

退菴詩存

卷十三

四

是皆肌以測轉嫌障自屏楷則神本完源流跡亦炯一脈

晉唐宋何煩判山領弇州鑑不昏文水籤猶整失笑澄心

紙後此幾辛丙張米菴言褚臨蘭亭真蹟在海甯陳氏家

而褚用之豈非笑柄乎此語見復初齋詩集

玉泉入相府王孫見粉紋並當丁亥歲一縷心篆薰游景仁得

玉泉僧本趙子固初見落水本皆寶慶丁亥年事我仗頻伽叟爲返神山雲竒哉

老復丁契合於斯文道光丁亥五月始從郭頻伽輾轉購成頻伽自題所居爲老復丁菴倘

亦文字祥了不關恩聞蓬窻適無事覩入豪黍分適有吳

遂入行篋坐臥相對者衆數日相賞枕笈外精心晤崇羣繭紙不得見冉

再來右軍吳淞風日佳增我遇所欣欲傲水仙客昇山帆
席紛

懷哉青瑣姿寓此黃絹美不覲海嶽真孰知腕有鬼耿憶
臘雪餘讚歎並窻几舊痕欵篆叅新式臙躩擬深嗟舒卷
頻未免形神地跋躋遙相望後乃無餘紙當時非我有癡
心早侔揣況今坐臥對竟落巾箱裡會當重褫裝一氣聚
珠藥何日楚權還籤櫛共料理

西冬此卷留署齋者三口
已與逢兒再四展玩並商

畧重付裝池之式
時逢兒客遊竟陵

石琢堂前輩

韞玉

獨學廬畫卷

君不見溫公獨樂園花木不數平泉繁又不見陸氏老學
菴圖書列架開清軒人生得地寄胸次所期非寂還非喧
我昔操觚弄柔翰聞君奏賦金華殿海內文章第一流祥
麇豈合尋常見持衡擁傳策殊勲草檄飛書膺上選偉哉
施設備文武倬彼星辰麗雲漢重入春明君遂初早時相
望隔巴渝龍筋鳳髓鑿坡集勝讀枕中鴻寶書名場歲月
易遷轉一官三度來吳趨柴桑徑裡承杖屨扶風帳外聽
笙竽城南老屋林壑美隱几青山吟淦水問字車看一巷
停談經席有重茵象畫圖示我杜德機味道腴躬富神采

孤往千秋定力存，心燈不滅宗師在。
重君獨學成，令名喜君七十顏。
如嬰蓬池老輩靈光峙，錦里新詩洛社英。
門前五柳挺千尺，階下三芝森九莖。
時逢官暇許相過，飽聽煙膏白鶴聲。

題沈采石女史穀仿古畫冊

日日含毫意邈然，芙蓉倒影鏡臺邊。
石田蒼潤南田逸，合與寒閨作研田。
采石家貧以賣畫佐其夫

胥江曉發爲籌辦海運及估濬吳淞也

簿書忙裡上扁舟，幾度江湖借箸籌。
預指雲帆天北極，更

量水線海西頭精心都付龔黃輩從事偏誇屈宋儔

隨行委員

齊彥槐謝元准皆詩人也

容我名場成別調興酣落筆傲滄洲

尹山橋

偈仄扁舟過灣環支港通人家絢斜照波影澹垂虹煙意
踈篁外秋聲斷葦中回思閒讀畫真景轉匆匆

急水港

刮我蓬窻眼江光似鏡奩微波穿白蜺永夕浸明蟾愛領
滄洲趣翻宜短夢恬蕭然憑水宿不必問郵籤

澱山湖

澤國流難濟湖壩斷復連顛風能作浪對岸已如天暗覺
輕帆側徐生遠樹圓我游非汗漫目極澱山邊

山門溜

又換輕橈便頻過野徑幽村貧偏入畫橋斷轉宜舟稻力
方支雨蘆心已戰秋連眇盡烟水舂鍤落何陬

上海雜詩

雄鎮無如滬海饒當年靈怪未曾銷語本吳郡志掣鯨浪急袁
公壘放鶴風孤陸氏橋莫但幹支爭禹蹟相期解阜協虞
韶塞帷媿是旬宣到按籍須編樂利謠

丹鳳高樓接大荒
蛟妃龍女夾容光
超凡祠祀參天地
率土尊親況梓桑
頻歲江潭都託蔭
新春稷稻要聯樞
迢迢奈激通津淀
預上平安一瓣香

大名照耀海東隅
玉篆奎文半有無
保障固應崇廟貌
園

林竟可甲吳趨

上海城隍廟祀明待制秦公裕伯廟中有東西二園最爲雄勝

赤氛黑禮

登臺掃酒墅
茶檣縮地鋪
不是行滕親
涉足邗知人世有
蓬壺

貝室離竒蛤戶腥
菹枯所係在冥冥
黃婆廟古心長在
蘆子城荒海不扁畏
說風潮秋有膽急謀
淞浦水能靈如何

圖匱兼防險細檢方經卽座銘

陳芝楣太守

鑾

棠芝畫冊

芝楣曾居其婦翁秦芝軒尚書宅中後六十甲子而

及第甥館之海棠樹上適苗瑞芝因字芝楣黃左田尚書爲之圖

煌煌瑤草姿粲粲陽春時嘉樹本美蔭敷作芳華姿科名
成美談豔事矜門楣國珍每間出疇世瑞所宜芝以養仁
壽棠以永去思畫圖卽政譜勉旃千載期

送林翰雲廣文歸閩卽題其蓬門却掃畫冊

閒雲出山卽汗漫故山回首星霜換東西南北宦遊身行
路欲窮天下半朝聞故人歸故鄉置酒不飲心傍惶滄浪

亭前片雲白偏向他鄉歌主客憶初識君皆妙年桂香同

步廣寒天

余與君同登乾隆甲寅鄉薦

芳時不嫁紅顏老回首名場事

惘然天風吹人鬢毛改往日交遊幾人在簿領吾方媿一

官釣竿君欲凌滄海兩年賓館喜停車玉雪嬌兒問字初

施幔馬融朝講學燃藜劉向夜儺書銜杯每話平生事一

瞬卅年流電逝臺閣偏難致異才林泉豈合娛高志匆匆

符檄頒華省莫笑廣文官獨冷長憑經訓作菑畬亦抵勳

名勒鐘鼎扁舟送君歸去來輕裝東指釣龍臺行邊木葉

紛紛下到日梅花處處開越王山色青如洗

沙縣亦有越王山君新選

司鐸地也轉眼春風盛桃李憑君終日掩蓬門載酒車來應一
啓我送君歸轉愁寂閉關却掃何由得故山十月橘柚霜
夢魂直到仙霞驛

陳芝楣閒園畫冊用韋蘇州燕居卽事郡中西齋二

詩韻

園在蘇州郡署中

和風扇芳香圍春百花圻簿書豈不煩心閒衆喧絕坐嘯
有成璫哦詩比元結會意鳶魚間流化隨所閱

竭來海上役共眺滄溟秋官閒拓縑素詩句誇蘇州求治
必上理論交多勝流澄懷尙同樂非慕林塘幽

退菴詩存卷十三

九

吳淞江攔潮大壩工次和陳芝楣韻

長才君自砥狂瀾行水吾真愧素餐邪許聲中有詩料塞

捷隊裡幾儒冠欣看息浪如心定深感靈風應願難

連日東風

挾潮而進故壩身隨築隨蝨是夕忽轉西風遂於夜半合龍

但祝冬晴長似此免聽黔

暫詛河干

陳家渡工次勘議新河機宜芝楣復疊前韻見示因

疊和之

崇朝大海已回瀾且讀新詩慰午餐故道猶存河似帶瞻

言想見雪盈冠

芝楣力主取直新河之議並言曾訪之八十餘歲士民逃吳淞故道本直今河形尚

有可放 同舟共濟功方倍倚權聯吟韻獨難新舊原田應鄭
重爲防饒舌有豐干

卽園詩寄恩樸菴觀察

繡衣使者驄馬謳隨緣雅愛林泉幽大明湖邊好官舍經
營臺榭開壺洲廣池深深跨飛舸小山疊疊依層樓修廊
透迤雜花發高柯匝匝寒雲淨我來江南未得見讀君畫
記如臥遊霜辰氣肅訟庭靜誰華山色明雙眸時和歲豐
政亦簡焚香燕寢神夷猶單車早有褰幃化綵服自爲循
陔撫奉太夫人樂莫樂廉泉一勺馨晨羞君昔知名自卽

署平反庶獄臯蘇儔皖公山前駐五馬與人頌德同中牟
岱雲膚寸作霖雨一麾手乘來齊州油幢緹幕給鼓吹坐
領五郡吏諧侯平生所莅起循譽黍谷陽律吹葭鄒憶我
去年筦東臯涉川之誼叨同舟欽君美政異東溷不減昔
時陳太邱用杜句看山正復了公事朝煙夕靄披襟收海風
琅琅吹我別函書千里煩庚郵懷賢已聞慙亭葺弔古更
慰忠祠修龍潭疏濬精舍拓芙蓉百本臨清流興廢舉墜
有司職詎但風月供吟搜卽圃名園寄所適娛親報國
心兼酬此時崇蘭白華采他年愛樹甘棠留德我中吳十

闕月鈎稽凌雜無嘉猷滄浪亭子亦新築乞君佳句還相投

重修蘇州郡學功名宦各專祠工竣分紀以詩

韋公祠

外宦高風出左司凝香燕寢想光儀讀書不礙中年晚臥
理能教末俗移千載蘇州官作謚兩家唐史傳偏遺不須
却動爐烟感清德宜民是我師

白公祠

吟罷東都池上篇西亭更對北林妍等閒已見疲民活並

代相承長吏賢樂府正聲熟人口名山大業定生前會他
吏隱心原合皓月澄波萬古鮮

况公祠

下車倏已藻風裁念念東南杼軸哀韋白以還成別調龔

黃自古是奇才禪官姓字流傳徧儒士功名特達來

公以禮部

儒士起家我亦十年蘭省客南宮香火首重回

儀制司土地廟相傳卽祀公也

陳公祠

剛峯而後有滄洲真與斯民共樂憂增賦肯憑官似虎振
荒忍使國無鳩身危洛蜀分門日力瘁河淮奪路秋省識

鬢翁如有悟信知自古楚材優

公貌與今中丞
安化陶公相肖

重修滄浪亭落成重九日陪朱蘭坡卓海帆二山長

陶雲汀中丞文綺園樵使潘梧亭廉訪讌集和海

帆韻

泥痕三度雪鴻留甫得今番暢敘幽佳日壺觴酬令節名
流歌嘯擬浮邱水從遠岸灣成港人趁斜陽影上樓勝踐
自然清讌好肯教鐘鼓駭沙鷗

共聽楓林韻濩聲秋光正滿闔閭城清風明月原無價近

水遙山倍有情

出句用歐陽公語對句用
蘇長史語皆滄浪亭本事

樂在憂先吾豈

敢天從人願事方生朝來佳話傳吳下賀九還兼誌落成

吳郡國經引吳越春秋云胥山
有賀九嶺即吳王賀重九地

蘭坡以和韻詩見示疊前韻

案牘如山掃不留何妨乘暇一探幽所欣上客聯皋座差
喜清游勝虎邱竝水軒如船就岸圍雲樹擬塔當樓烏紗
會裡多拘束暫許忘機學海鷗

天風吹下步虛聲依舊聯吟接鳳城自笑風塵難免俗尚

容邱壑共關情梅閣孰更恢荒址蘭坡詩有當日聖俞借
子美可能兼築小圃成

之句皋廡吾甘作祀生時將築小樓以
祀伯鸞先生急與名區增景物滄

浪續志稿將成

韓桂舫尙書封七十歸田其伯兄聽秋先生以謝

仙所畫淵明詩意卷爲壽步韻奉題

浮生最好是歸田況有聲華式後賢開徑不虛三益至抗
懷直到六朝前天成陶令戶庭好人羨蘇家兄弟緣五十
年來霖雨徧回頭合作地行仙

題桂舫尙書小寒碧齋第一圖

天半祥雲返故林春明鴻雪畫中尋青山已慰餐霞想白
髮仍懸戴日心三宿浮屠生眷戀百年喬木費沉吟怡思

疏傳辭榮日門外車痕爾許深

又題小寒碧齋第二圖

婁江楊柳綠千絲門巷春風次第吹無恙做廬呼鶴守有情新水許鷗知弟兄剪燭多深話朋舊開樽足近詩贏得吳中傳盛事尙書歸似秀才時

孟冬朔日頒時憲書恭紀

頒時循令典敬體

授時心但切和甘禱邊嗟歲月侵緘封頒驛傳光價壓書

林書之板紙及裝潢以此邦爲最精美故遠處知交每馳書索寄云

十載重回首

龍樓瑞靄深

禮曹頌書在
午門前

偕朱蘭坡潘梧亭步入滄浪亭憩於南禪寺適李葛

峯

景暉

王善舟

有慶

二太守王槐午

錫蕭

何竹薌

士祁

李石舟

國瑞

三邑侯繼至紀之以詩

莫笑粗官少勝緣看山遊寺亦翛然偷閒愛到停雲地望

遠偏宜欲雪天嘉樹陰中花在眼

時與同人
商種梅花

高山仰止石

差肩

五百名賢鐫石已竣
擬就亭左砌壁爲祠

繪圖那得耕烟手正好題詩賦

八仙

對門樂園好園林

先與梧亭訪蘭坡於
可園因邀同步步

門外苔痕總共岑

退菴詩存卷十三

古

開逕敢言三益至登樓齊記五噫吟

樓中祀伯鸞先生

茗甌丈室

蕭寥味鐵笈名山鬱律心

南禪寺爲自香山皮藏文集舊址

昔日歐梅今

漫叟千秋相望幾知音

題海帆憶山篔談詩畫冊疊前韻

人海搏沙證夙緣新詩脫手思飄然卜居古水寒烟地選
勝疏花小雪天最擅清譚揮麈尾終看奇骨詔鳶肩憶山
應惹山靈妒身本蓬山舊列仙

把臂何須定入林爲霖雲壑戀邱岑相逢舊雨兼今雨愛
把吳吟接蜀吟綺閣琴尊千里夢金臺燈火廿年心頗添

主客圖中話鸞鶴招邀送好音

海帆復以話雨樓對雪懷人疊前韻索和

甌彝爐薰臘雪綠詩心畫髓合冷然止觀應是吉祥室高
會何輪兜率天蒲褐香來梅破夢筠廊風過竹垂寫此情
要與勞人共簿領忙中學散仙

孰爲循吏孰儒林占盡蓬萊最上岑笑比向禽成小聚

海

與蘭坡棣華皆有婚嫁之事余亦將爲次兒授室恰同皮陸更聯吟斗山自峻河

汾業謂海帆與蘭坡分主講席湖海難忘魏闕心謂吳棣華獨有戟門勤運

甕鈞天至竟闕元音

謂雲汀中丞和章未出

招朱蘭坡卓海帆吳棣華

廷琛

三同年飲海帆壘前

韻索和

尋山乍結歲寒緣
煮酒追歡又灑然
良會來同虛白室
昔遊尙記大羅天
早驚霜雪齊侵鬢
獨愧風塵未息肩
何日扁舟落吾手
隨君也作地行仙

結習難忘翰墨林
更耽佳句敵高岑
但憑善取非豪奪

近

購尋書畫多從海帆物色而來

未暇長歌且短吟
卜畫竟無須卜夜
臣門

真可比臣心

是會適無雜寶遂得清談竟日

多君好事珍泥瓜
便擬西崑

有嗣音

題歸佩珊女史懋儀對梅小照

樵閣對寒花春生道韞家吹香風瑣碎寫影月橫斜
苔古入詩格霜晴開畫叉不須銅井路千樹帶明霞

海帆以坡公生日有懷舊遊詩索和往在京師每爲
公作生日無虛歲自外任後乃無歲不忘之沉迷
簿領慙然於懷用其韻答之兼示蘭坡

奎婁光裏拜詩仙香火春明屋幾椽祇覺人間衣鉢重京師

此會必以蘇齋師爲祭酒不勞海內畫圖傳相逢舊侶仍今日但欠閒

緣似昔年官閣朝來春鼓動自簪綵勝笑華顛公次劉貢父春日詩

莫笑華顛

簪綵勝

年來鴻雪少淹留恰向明湖憶舊遊正擬南飛同席奏倏

驚東去逝波流

去年官山左與吳巢松學使有作坡公生日之約學使旋化去不果

駐顏那

得求丹鼎示罰先應洗玉舟

公戲歐陽棐兄弟詩明當罰二子先洗雨玉舟今年公生

日又忘之因海帆

此日因君重感舊烏雲天際正如油

往

京師此日必詣蘇齋觀天際烏雲帖雨雪不休偶憶及之

和蘭坡在小寒碧齋作坡公生日詩用潘榕舉農部

韻

良辰讓出雪花晴勝踐歡迎臘鼓聲故事偏成今雨會後

塵猶聚德星明江湖小集憑分派笠屐新圖許附名永與

中吳作詩話南飛遂響滿江城

詩老歸田重晚晴

用玉溪詩語
謂桂船尚書

寓公歌嘯鳳鸞聲

蘭坡先
以詩見

示

青旂繞郭春光轉

是日
迎春

絳蠟當筵夜色明飛楮不妨人

怵我

農部詩先
三日成

滿庭難得壽兼名

是會桂輪尚書爲主與
者十三人共得年八百

五十

有奇媿余臥閣聽官鼓十載心旌遶

鳳城

往在京師無
歲不爲公作

生日蘭坡
輒在會

雪後復雪海帆用坡公書北臺壁韻索和

乍聞啁雀又藏鴉難撥雲中赤日車瞥見小山還疊嶂却

退菴詩存卷十三

七

宜老樹更生花兆豐何止徵三白高臥祇今有幾家坐擁
貂裘猶瑟縮劇憐萬戶手如叉

瓦溝新減玉痕纖刮面重添冷意嚴遠計自關蝗與麥開
情違較絮和鹽誰知滌凍妨持春幾度占晴獨步檐南望

吳淞北京口儘多心事簇蒼尖

時吳淞江及徒陽河工次皆極望晴

次海帆寒夜讀雲汀中丞蘭坂侍講詩草及拙集用
坡公次張安道讀杜詩韻紀事原韻

雲龍四方逐磊落逢二豪讀書萬卷破奴僕可命騷往從
春明遊奉璋詠我髦下直得清暇銜杯傾翠潯出奇復鬥

險萬象歸籠牢軒軒人海中落落星辰高風雨一離合南
北馳輪艘詩筩託郵置火急如追逃神飈蕩空際洪響鏗
鯨鼇比爲吳趨行旬宣媿

榮褒所喜素心人扁舟弭蘅皋絳紗奉樂圃笙簧育青袍
君亦載琴來旂鼓當劉曹同年開府尊式燕嘉賓敖快作
情話殷幾忘簿領勞飛牋擊銅鉢分道麾戈旄我詩安足
數粗能紀所遭君才偃鯤溟尙煩顧鯨濠

坡詩鯢化
如聽

伯牙琴如飲公瑾醪周行更示我承筐采苹蒿

除夜蘭坡以詩走示卽夕和答

脉脉江春入舊冬軒軒除日霽光逢適來各有家庭樂

適君

携眷寓
居吳中

信美何分主客蹤剡水不煩衝雪權寒山齊聽隔

城鐘增予車乘翹翹畏愧說南邦作爾庸

也曾楚望也齊疆餞歲迎年當故鄉

自壬午外宦六年
除夕凡三易其地

苦

爲微官增老態但憑素志答

恩光偷閑談藝時餘幾忍睡哦詩夜未央臘鼓喧中官鼓

動輪君長日著書忙

退菴詩存卷十四

福州梁章鉅菴林

正月十二日招石琢堂前輩彭葦間太守希鄭九春

樊舍人興詩暨蘭坡棣華海帆三同年小集箴白

堂次海帆韻

也算春筵不負春燈紅酒綠總宜人賓朋欲盡東南美衣

袖同餘京洛塵迨此簿書猶暇日憑他音樂助和神漢書

秋傳玩聽音底須問夜歸鞍急恰有雲開寶月輪岳陽風

樂養志和神是日爲雲開節土記以

江國來同酒國春一庭落落幾詩人占鰲分據三山頂

環

棟華兩

狀元附驥新團廿載塵

皆登棟華榜

南省郎官頭似

佛葦間會與余

西堂才子筆通神

春樊爲西堂誰知先飲

屠蘇者妙手居然老斲輪

是會海帆年最

蘭坡以人日集鶴壽山房韻索和

千門萬戶轉春聲獻歲風光取次更高會最宜逢令節靈
辰難得果暄晴地多耆舊真餘慕詩到江湖始有情獨我
華顛羞綵勝草堂何日理前盟

蘭坡海帆集節署之平政堂復疊前韻見示

椒盞柑匝雜遝聲流連菊部每深更清娛忽聽鈞天奏

承

卽席疊韻在座皆有繼聲

佳想剛宜快雪晴人豈尹邢如有避

兩會余皆未與

交兼羣紀倍多情

是日逢兒亦侍飲和詩

他時編就西崑唱平政堂

中是主盟

重修滄浪亭前後紀事八首

修池帶回岡危亭出叢薄懷賢游游釣撫蹟傷寥落日余

往流憩塵纓思一濯復此觀風來始遂披雲約

前會再權吳臬皆欲

修不果至是三至此願始成

累土增坡陀憑基構臺閣媚春雜桃李褒

秋薦蘭若依依濠濮情超然契崇廓

雄藩建別館勢家起華岑不如一長史千秋主園林豈伊
文采都流風感人心進言嬰嫉媚賈志傷浮沉風月託歌
嘯巖壑貞崎崑祠堂創維昔貯蠶修自今歐梅不可招何
人同靜吟

建炎數名將韓王忠且武一解背崮軍遂與煙霞侶早騎
湖上驢不臥亭邊虎配食水仙王千年賽祠鼓我來南國
春盈尊酌芳醕何處寒光堂瑤華久榛莽平生所游歷魂
魄戀茲土兩山失飛虹

寒光堂瑤華境界飛虹橋皆當時舊名

神來颯風雨

亭後舊有韓蕞王祠亦重新之

輿區久蕪沒禪關掩林垌我朝商邱公懷古初經營丹

椒互虧蔽淥水相涵潯時攜賓從至古歡答承平因之維

勝迹屢廢亦屢興煥新紀汝南長洲令許遇復舊逢延陵吳中丞存

禮

天潢偉人至覺羅中丞雅爾哈善翠墨輝松扃迫茲百十年歷

厯存令名甘棠果恃此鬱陶乎余情亭自宋牧仲先生修後復經許長洲及吳

雅兩中丞三次修葺今人鮮有知者余撰滄浪亭志始拈出之

輦路春更綠

翠華記南來

宸情樂山水

睿藻輝池臺圖書重林壑

南巡盛典中有滄浪亭圖

邱埏成崔巍

列朝汪濊恩沾被周九垓敬告吳父老樂利蒙滋培煌煌

卹民意

亭之左右有康熙年間縣花明處長官清及乾隆年間

御書膏雨足時農戶喜

歎石刻

天語光娥羲假山而真水濯纓知屬誰勉實斯副名

至教兼露雷

乾隆年間傍城闌又云

御製題滄浪亭詩云假山真水

斯者勉實善副名

宜切位思凜敢言懷抱開憂樂孰後先煥然資

雅才

吳趨士風嘉禮教閱年代傳人間世出好事託圖續景賢

義是取坊民道斯貴拓地成堂皇瞻儀同展拜庶幾游觀
餘敬恭肅冠帶千載神同遊三楹地匪隘高士樓突兀中
丞祠暗藹共此滄浪清蘋繁可羞菜

五百名賢祠及伯鸞高士樓皆新建宋商

邱祠則仍舊貫而飾之

漫堂葺小志道足振風雅權輿畧甄綜所存惜已寡名亭
匪自今八百年上下陳蹟迭盛衰舊聞錯真假比來光景
新勝流遞觴尊煙墨所驅使芝蘭動盈把搴芳掇其英願
以貽來者宣

德仰昭回采風逮細瑣政餘丹黃陳矻矻每自寫敢云補

漏缺所希免喬野

新撰滄浪亭志首廟次藝文而終以雜綴分爲七卷較商

宸翰次紀錄次祠

邱舊志增多
十之六七

上曰風日美旨酒陶嘉賓今情詎殊昔舊觀俄還新碧草
披崇厓丹葩耀芳津條風應和律萬物皆熙春茂林散樓
翮澄波動游鱗借以覽氓俗豈云懷隱淪看山了公事愧
余非其人

用王陽明先生詩意語見宋商邱中丞重修記中

百廢視所舉勉答茲

邦民

雲汀中丞按部婁江訪立黃陶菴先生裔嗣率屬捐

置祀田屬同賦詩紀之

有明三百年設科終癸未及秋始舉行中原已鼎沸黃公
晚遁籍隱憂當代事所期在千秋可語惟一弟歸來值崩
析端居日流涕留都要人招薰蕕氣先異豈有聲色徒而
堪共宏濟逾年蕪湖潰天戈且南至嚠城葢爾邑當車
奮螳臂非不諗順逆報國有素志登陴誓固守鼎鑊安可
避外援一以絕糗糒復不繼日薄雲陰陰危城勢將墜僧
廬讀書處一片乾淨地兄死弟亦從下見十七帝

聖朝重名教曠典獲通謚春秋薦蘋蘩報禮尙未備使者
名世臣式閭感風誼末胄漸衰落置田俾守祀庶幾忠義

門永免降岷隸我昔讀公文剛直見真氣彌綸塞兩間一
一出肝肺幸陪大賢後親得襄盛祭分廉薦勺水度非神
所棄

和蔣礪堂節相聞生獲張格爾紅旗報捷志喜韻

烽煙銷絕域鏡吹入新年賈勇全軍各臚歡率土然豈貪
回紇馬不跼武溪禽漫說龜熊衍揮戈已破堅

連鄴二萬里轉餉急供輸喜有邊倉裕兼之宿將驅恢疆
思

祖武柔遠稟

神謨朔雪炎風地同教感稅租

共仰先機算全憑衆志城羽書馳電影鼓角轉春聲塞上
蒲桃美關中杖杜生防秋師古法薪牧仗屯兵

妖氛戈壁掃巨憝檻車來露布天西極星鈴斗上魁

天官書載

筐六星一日上將二日次將

奮先功必賞善後策頻催從此狼荒外都

成偃伯臺

天威大無外原不弛邊防豈肯驅猿鶴徒爲繫犬羊淳涵
忘網漏駕馭慎鞭長於變徵千舞賡歌有樂章

卓海帆同年曉園清坐畫卷

記向春明聽玉珂忽忽彈指廿年過一官我自來吳會萬里君偏下嶒峨話舊更傾官舍酒感

恩同憶液池波平生許國襟期在那便閒身戀薛蘿三百人中此少年披圖真稱玉堂仙上方給札銀箋麗初日哦詩綵筆妍名士心情花爛漫美人消息月嬋娟錦江春色知無價何似聽鶯禁樹邊

幾度金鰲頂上行簡書一昔赴王程秦關玉鑑懸秋朗蓬海珊瑚照日明行部政成京兆肅疏泉心徹運渠清文章揚馬年終賈各榜真符許合名

王戎傳臚之曰睿廟有詩紀之稱爲各榜

此日昌亭手更攜片雲何事出山遲
不忘杜老匡時畧肯作王郎誓墓辭

廊廟需賢方側席江湖話舊且銜卮
虎坊橋畔重回首媿比雲龍上下隨

余與君京寓均在虎坊橋東

吳門七姬權厝志拓本

井索秋闈語陰翳寒珉碧瀆前朝字
中有嬋娟泪血痕重歌樂府羣珠碎
崑岡自燼玉何冤金谷未移花已墜
綵鸞飛去沁園荒魂出蹋歌夜聯臂
潯陽文章感哀豔南宮書格出古異
想見三興劫土苑左丞門館賓賢醉
盤門霜冷

西風葉五百餘年留墨翠閨位雌風特地清麗娃光比齊
雲熾

廳事前後牡丹盛開寵之以詩

春光爛漫到三吳又展吾齋沒骨圖了不驕人真富貴似
偏形我太清癯關心風雨兼旬如側目庭階十戶租堪笑
玉溪矜彩筆錦幃繡被寫來麤

寄頌李雪崖儀部

芳梅

七十壽詩

粉署英聲日下傳披簪早日就林泉削枳舊滿三千牘介
爵今開七十筵絳縣老人娛甲子白衣宰相領神仙定知

扶杖看花柳春在村村步履邊

記共京華聽玉珂每從退食屢相過
應官十載紆丹綬棲
隱頻年臥綠蘿花發虎膠春驛遠
江連雉水莫雲多故園
風物原無恙奈此清尊憶舊何

珍重緘題遠寄將居然落手古滄浪
築風我愧輪軒使選
句君登著作堂老去杜陵詩更細
歸來陶令酒應狂筍輿
若許門生與不遠江關水一方

驥子天才復不羈早辭朝籍侍庭闈
三層閣住陶宏景一
曲笙吹東廣徵累葉清華江左重
全家高尚古人稀長生

更進芝房頌目極南天有鶴飛

新建伯鸞高士祠成有作

往讀逸民傳心疑五噫歌霸陵山中可偕隱變名底事吳
門過神靈與休契連札鬱伊心事誰能說千里難招修遠
魂子身甘飭要離穴我來景宗嶽下車訪遺墓空有吾家
補闕文梁肅禡文見難尋唐代題碑處興隆古寺地勢偏
俠香曲奏花巫弦祠在興隆寺後與
俠香亭舊址相近宿草雖湮祠宇闕光
貌尙鑒春秋虔缺典補從千載後遙集東南事非偶蕭友
高恢俱寂寥先生之風在人口吳趨土風清且嘉秦闕何

必遠生嗟

前明族祖毅菴公述德詩云秦關與吳會何處薦蘩蘋蓋亦深慨祠祀之闕也

尚賢激

清守土職勝他古塢訪桃花

嘉慶年間有修桃花塢唐六如墓者

新購得禹鴻臚卜居圖冊題後

宵來清夢繞菰蒲
曉對窻暇墨影鋪
三徑未成歸計杳
破慳先買卜居圖

其人與畫兩條然
更結名流翰墨緣
儘寫煙波無限好
教

人爭不羨歸田

冊中題者凡百十一人皆國初巨公詩老

此身果在水雲灣
相宅西峯五載間

曝書亭集中有送禹鴻臚居洞庭詩在作

此圖之後四年

不識卷中饒舌者
幾曾真個拂衣還

聞道分湖招隱宜吳興薊國兩圖之人言此作同風味我

亦裁箋索大癡

趙松雪水村圖最著名李息齋因作第二圖今此圖與之相似余既購成亦擬乞黃

秋士仿爲之

又和禹鴻臚自題韻一首

烏帽頻年九陌塵湖山佳處又來旬畫禪詩夢關深省輸
爾逍遙物外身

和雲汀中丞釋奠震川書院詩

并序

明歸震川先生由崑山遷居嘉定之安亭鎮曾讀
書菩提寺近中丞就寺左得隙地創建震川書院

率士紳行釋奠禮又訪得先生後嗣曰玉銘者咨
部使主其祀並率屬捐置祀田以永之時余以勘
澹吳淞江屢過安亭亦與襄其事云

崇學端治本景賢視師資震川去已久荒江始隆祠緬古
篤遙慕式今發長思侑侑巾卷行進修視所基大府治水
利軌往心不疑

先生集中議水利最詳以開
吳淞爲首務中丞詩及之

成書早有效

此豈經生爲弭棹來江皋奉遵潔陳辭文章詔來哲衣冠
肅前期我亦襄盛舉適當春鐫施安亭往來頻翼然想芳
規旣延清門胄復永當世儀斯道若大路趨者慎勿歧

和蘭坡滄浪補襖詩

地偏不異在郊坳簇簇高軒柳外停未暇聽鶯陪雅集

是日

余不期而遇復以事不能久留

愛看揮塵坐名亭殿春尙對殘花紫

亭畔芍藥

盛開結夏先盤野蔓青

蘇子美詩野蔓盤青入破窻

老輩飛揚詩思健新

宮正待紫陽銘

環堂桂船春帆諸先生皆先有詩

華陽新築詩爲桂船尙書作

會昌一品詩編成綠野堂亦初經營園中木石那屑記角

弓嘉樹舍深情尙書起家白雲省盈廷早重舉蘇名身冠

裁裁出秉節洵擁六纛揚雙旌綏邊悉除害政馬跨海更

戮翻渡鯨

帝咨羣臣疇作士執經斷獄惟公能協中上翊

堯舜治海內翁服稱神明

今皇御宇綱紀肅公益隨事抒精誠蒼蠅點白亦何有陽
曦皎皎升光晶

三朝恩遇愈撝抑自忘元化資丹青引年致仕豈耽逸正
以進退持平生路河歸帆行李輕婁江碧水流回汀被服
依然一儒素何人知是秋官卿卽今卜宅遠塵市華陽橋
畔開林扃醞酒每吟脊令句看山或結鷗鳧盟白頭兄弟

話疇昔

國恩祖澤時交縈東風澹沱花壓亭四郊布穀催春耕閉
門肯學粟里臥一任野渡虛舟橫身在江湖心魏闕夜夢
往往依觚稜

朝廷威武大服叛戈甲銷盡西陲兵知公此時樂莫樂停
上雅頌歌承平

胥江夜發

橫几塵初掃高牙鼓再撞深宵出吳市初月淡胥江便動
扁舟興欣聽短檝腔燈闌詩亦就清夢一篷窓

曉過崑山

漸遠吳趨路通霄風水聲城陰隨岸轉塔勢入雲明客路
無期會扁舟易送迎玉山方照眼詩思不勝清

四江口阻雨

瀟瀟五更雨客枕最先聞曉夢回清籟春陰帶暮雲衝泥
吾本怯荷鍤衆方殷且作明朝計齋心祝夕曛

曉晴

雨亦宵來倦吾將明發忙未論泥獨灑且喜日滄涼隔柳
峯如畫趨橋水有光歡聲到寮屬此會免霑裳

吳淞江工竣放水和雲汀中丞韻

揚州之浸惟五湖厥利灌溉滋田閭利源所在患亦伏賴
有三江分道趨西來具區盪昏曉動而不息如戶樞中條
浩瀚今異昔吳淞一綫東南隅潮汐往來沙愈積褰裳可
涉行可車栽蘆樹斲恣填闕通津爲陸田無租溝防宣蓄
久不講安得育育歌羣魚

聖人令下若流水真看水到先成渠承流大府早集議損
上益下言非迂彊圉大淵霜月吉農事不害三時餘殘年
雨雪亦勞止春晴倍覺聲懼呼井亭迤邐迨曹渡并刀快

剪江光鋪強灣可鑿厓可剗建
既直瀉滄溟墟帑無虛糜
民不擾大役之弊齊蠲除
臘鼓自喧犇鼓應爾田爾宅
胥安居比年溝洫政屢舉
回環湖蕩猶墊淤我來旬
宣敢告瘁挂帆四食松江
鱸灑沈澹菑視此從旱澇
貫注無偏枯坐看萬井並
愛福黃梁白粲交春掄欣
逢襜帷十日駐別除壩埂
銷峯嶇通工完後中丞親來放水降雨成雲競邪許前波後瀾
立委輸羣僚用命固其職神力也助

恩波濡

是役剗湖放水皆濡於周太僕祠並著靈應

臨流賦詩豈偶爾崇論要

闕前人愚

詩中辨前人設闕之非切中事理

洪惟

明詔義卓濶澤國一一須爬梳劉河茆港尤急務先勞勸
相何差殊願公虎帥我拱聽謀深慮遠非區區合羣策力
百廢舉三吳大利書方輿

隨園懷袁簡齋先生

一代名傳地亦傳來游也似係前緣小倉山色青如故風
月銷沉三十年

小築能兼曠與難隨方鏡檻絢林巒寓公佳話才人筆添
作金陵一景看

六代風騷到此園過江壇坫半推袁祇今飽看林泉好其

學其人且漫論

人間清福是歸田
消受還宜靜者便
最可發人清省處
水精域與蔚藍天

偕李葛峯太守游攝山

平明出城闌快如鷹脫鞵
急尋棲霞路攝山又名一谿塵

中眸賢豪謝追逐金陵城中守令出郭相送者悉辭却
獨攜謫仙儔李太白詩賢豪

相追餞却到棲霞山
山靈恍我揖軒露
供遐搜六朝金粉區
抄此覓

而幽似言謝幼輿
不宜缺斯遊
名山得高士
軒軒始千秋
似呼明徵君
籜冠來倡酬
我愧守藩職
振衣戒從流
千巖

與萬壑覲面肯復休
低徊總持江仰止
文房劉或藉昌吾
詩忙中暫夷猶

是山本繖形

山如繖形故又名繖山

何煩復持繖蓋屏
騶從喧免招

鶴猿赧兜輿所到處
松陰恰成幘雲容
正淦淦天近日却
遠棲霞信可棲
入門已秀變
彩虹絢明鏡
齊梁黛綠滿
穿雲雲漸低
清泉導其窾
玲峯澹洄洑
紫峯鬱蹙盤
空進無懦屏
息險而穩力
可罨風爭心
忘怪石狼不
知所歷高
萬象紛在眼

導游一老僧從游
一太守生天與成佛
且莫較先後
晨餐

飽伊蒲午甌汲乳竇幽居居果幽幽事適與夔六朝柯未

改千佛面已皺禹碑出重儻我意所弗就

山半有摩崖响
嶮碑不知何時

重孽者

頗疑珍珠脉間從歷下透終惜武夷廬非我釣游舊

山中有珍珠泉及
武夷一曲精廬

僧紹本非僧名物豈能囿瑤草何可拾

攝生理自究

山形亞而拱鼎立三峯雄更壓三峯頂是爲最高峯攬身
馭颺輪倏驚四垂空萬松貼地平疊浪紛朝宗江南幾培
塿盡染斜陽紅江北不可極但見青濛濛長江疋練如微
辨金焦濃龍盤與虎踞了可尋其蹤獨餘秣陵城遮在鍾

阜東層層認來路盡攝僧窓中增我耳目眩盪我塵勞胸
望古且遙集浩浩來天風

賀前督部吳槐江先生

熊光

重宴鹿鳴

六十年重聽鹿笙德星朗徹闔閭城八州陶侃留殊績三
老桓榮副盛名臺閣清班多後起封圻宿望俯羣英朝來
黃氣脅間滿不羨芝房餌玉精

久仰蕭規式

禁垣

先生久直軍機
於章鉅爲前輩

南中耆舊望彌尊傳

家澤衍三槐重卜宅風高五柳存

先生解組後自常熟移
居郡城之三槐樹巷

潞國大年猶嬰鑠昌黎健筆早騰騫江湖魏闕臣心在

紫綵新來獨拜

恩

贈果益亭將軍

果齊斯歡

將軍倜儻天人姿壯年作賦升彤墀文武吉甫萬邦憲
上掩六月戎車詩闔廬城邊梅雨歇雙旌來自仙霞陞相
逢快意話疇昔白波倒卷傾連卮

先皇御宇之七載杏林同日簪花枝公才公望歷流輩丹
山鳳凰多羽儀穿楊絕藝豔人口文章落手皆雄奇酒中
往往發高論意氣能却千熊羆三天敷陳重宗子兩闡

衡鑿尊師資六官長貳社稷計

帝心特簡非廷咨金臺柳枝易分手出塞入塞星霜違惟
君偉抱冠今古籌邊柔遠無不宜入爲上卿出上將戴筐
星象明弧旗五羊繁盛甲天下嵯峨海舶黃金齋惟君飲
泉祇一勺鮫鱔不敢輕揚箸三山城中駐高齋維桑獨快
帡幪依輕裘緩帶樂莫樂飽噉兩地紅離支挹婁室韋古
重地巖關天險標東維

帝謂通才足坐鎮幹難河畔麾幢移 國家關壤接羅刹
先朝分界留豐碑惟君勲名巍方召定宣鴻化綏龍舂駝

駢四牡賦入

觀央央旂旄來江潛滄浪亭邊暫留憩遂令地主增光輝
同岑之昔朱與卓舉比坐擁春風吹吳侯偶斂倦飛翼龍
頭聲價千人知王郎仕宦稍不達甘棠到處懷慕思延津
神劍合有數四方上下雲龍隨安化中丞此開府政和歲
稔氓無疲飛牋排日預密宴信有星聚非人爲箴白堂中
一再集嘉話已遍江湖涯大羅舊事歷在眼茶香酒醖同
酣嬉因君寄聲春明侶此樂何似京居時祝君朝
天天有喜明廷左右須皋伊懋亭上公起絕域松巖閣老

來東馳

長懋亭富松巖二相國皆由將軍晉揆席

待君鼎足據鼎耳開先名榜

登綸屏

益菊和海帆韻

何須三徑闢疎籬已勝銅瓶供折枝
隨地易移承露影近人偏挺傲霜姿
護將晚節真宜淡占得秋光不礙遲
一盞寒泉一壺酒靜中消息暗香吹

集益亭蘭坡棣華海帆餞王香湖郡丞

青蓮

盛會聊將別蓋停座中情話醉兼醒
寄聲欲傲春明客爭似江南小聚星

好風吹客到金閨佳話偏趨箴白堂洗盡吾儕寒乞態中
天上將冠文昌

回首蓬山廿七年相逢若個不華顛底須門外重惆悵但
遇洪厓又拍肩

窮年畚鍤瘁通才博得吳淞鏡面開持此朝 天真不愧

青雲萬事一塵來

陸放翁句

題海帆冷泉亭聽泉圖卽以贈別

泉聲泠泠泉眼碧科頭芒屨何處客飛來峯畔忽飛來倒
現寒潭鴻爪跡去年游越今游吳滄浪詎必輸西湖洗盡

人間箏笛耳補成天上風泉圖披圖我自愧刺促七度杭
州一涉足輸君隨地杜德機泉中長有鬚蒼綠君今又作
金臺行在山出山同此清霓裳若憶當年事那辨風聲與
水聲

滄浪亭之左建五百名賢祠於重陽日落成設祭同

衍雲衢廉訪

慶

陳芝楫李葛峯二太守李石舟王

槐午王虎臣

文炳

三邑侯飲餞和蘭坡韻

天教山色向吾曹有約林亭興共豪本爲千秋殷仰止恰
當九日又登高當筵莫判閒忙令小酌渾忘簿領勞匝月

詩心如古井今番作意要題糕

去年勝踐此佳辰今日重來有幾人

去年是日會此者七人今惟余與蘭坡在

坐良會未輸前度健吟懷又作一番新迎眸爛漫花如錦
促膝聯翩草似茵不但主賓寬禮數忘機魚鳥亦相親

和答海帆潞河舟中題滄浪話別圖寄懷原韻

滄浪亭子名中吳湖州長史歌卜居我來勝地剪荆棘澄
川翠幹生春腴峩嶷仙人愛清曠小住一年雲水區客星
正喜集天市壺觴暇日聯簪裾瀛洲太液說舊事依然逐
隊同濠魚長篇大詠間一發驚霆破蟄天葩敷承平歎歌

退菴詩存

卷十四

九

亦故實豈以荒宴供歡娛八月秋風設祖席珂馬朝天游上都續來亭下展清眺暮雲江樹增長吁知君自增離別感顧瞻行李心躊躇潞河輕帆疾於馬夢中果到江南無海懷霞想鬱蒼莽此意豪札難爲摹朝奉君書慰饑渴開函欣有新詩俱模山範水出秀句浪吟轉笑麤官麤西窻何時復剪燭倡酬重藉刀確諸會當更覓丹青手寫寄滄浪憶別圖

爲逢兒題載書圖卷子

余性喜購書宦游至江南所得愈多今冬逢兒將北行檢

重部者付之
遂識以詩

辨裝何似檢書忙如此蓬窻可勝常悟到青燈真有味莫
教人認米襄陽

薇垣簪筆本儒冠且愿吾家未厯官一十五傳箱笈好金

書玉字要長看

先大夫撰祠堂楹帖云近承十五葉囊箱
闡發金書玉字遙印千乘侯矩幾優游聖

域賢闕謹
附識於此

吳和庭親家以和張蔣塘詩見示屢有商改適除夕

稍閒用其韻疊成四首奉贈

好風吹到韻玲玲想見閒情幾轉橪

李義山詩詩
成看轉橪

官拙不

妨詩鬥巧茶清何似酒延齡高歌斗室沉沉夜小聚江城

落落星笑我歲除除不盡如山案牘尙勞形

黻佩偕來奏玉玲琴書暫此寄軒櫺

君以天門令引疾挈眷寄居吳中

徑

荒無計歸元亮山鴈何能養伯齡

盧仝送伯齡過江詩伯齡不厭山不養伯齡

物望自留南國雨臣心終共北辰星

時君將入都引見

春明此去

春如海定副

旁求夢裡形

舊遊記唱玉瓏玲綠酒紅燈共畫檣鐵甕據舷饒壯志

嘉調

慶庚申除夕同在鎮江守牖事

金臺射策正芳齡故山泥雪三郎石

自嘉慶已

已在江山縣署一別迨今二十年始獲再晤

宦跡參商兩地星

余與君會同官楚北而不獲相

見廿載重逢鬚髮換一樽安得不忘形

歸鞍何日振玳玲三徑隨方闢檻櫺書似故人真有味山
如太古可忘齡雲心易斂崇朝雨天意容還處士星便欲
往來成二老閒忙底事苦相形